

tendre et que mozir conuient enseuelit son auoir sa grāt auarice / et pourquoy se
ioint il tant a son auoir que lon ne peult desseurer / car quant il morra on ne le
portera pas avec soy / Et pource dit saict augustin que lomme auar est sembla
ble a enfer / car tāt plus deuore tāt plus veult deuore / Et ainsi cōme tu te dois
auoir en maniere que lon ne te clame auar et chetif ainsi tu te dois garder que
lon ne te clame fol large / Pource dit tules. Les biens de ton hostel ne doiuent
pas tant estre endos que pitie et debonairete ne les puisse ouurir et ne doiuent
pas tant estre ouuers quilz soient habandonnes a vngchascun.

Apres en acquerāt les richesses et en vsant dicelles tu dois auoir touf
iours troys choses en ton cueur cest assauoir dieu consciēce et bonne
fame. Tu dois doncques auoir dieu en ton cueur / car pour nulles ri
chesses tu ne dois faire chose qui desplaise a dieu ton createur / Car selon le dit
de salomon. Mieux vault auoir peu et de dieu la paour q grāt tresor acquerre
et perdre son seigneur / Et le prophete dit que mieux vault estre pseudoimie et
petit auoir que estre mauuais et auoir grans richesses. Apres ie te dy que tu
dois acquerre et vser des richesses salue tousiours ta consciēce / Car lapostre
dit que la chose dont nous deuons auoir plus grāt gloire si est quāt nostre cō
sciēce nous porte bon tesmoignage / Et le sage dit. Bōne est la substāce quāt
le pechie nest en la consciēce. Apres en acquerāt les richesses et en vsant dicel
les tu dois auoir grāt cure et grāt diligēce cōmēt ta bonne fame soit tousiours
gardee / car il est escript le gaing doit estre nomme perte qui la bonne fame ne
garde / Et salomon dit. Mieux vault la bōne renommee que les grās richesses
Et pource il dit aultre part. Ayez dist il grāt diligēce de garder ton bon nom et
ta bonne fame car ce te demoura plus que nulz tresors grās et precieus / Et cer
tes il ne doit pas estre dit gētīl hōme qui toutes aultres choses arriere mises
apres dieu et consciēce na grāt diligēce de garder sa bonne fame / Et pource dit
cassidores. Il est dist il signe de gentil cueur quāt il ayme et desire bonne fame
Et pource dit sainct augustin. Deux choses dist il te sont necessaires bōne con
sciēce et bonne fame / Et celuy qui se fie tant en sa bonne consciēce quil oublie
sa bonne fame et ne fait force de la garder il est cruel et villain.

Oray ie mōstre cōme tu te dois porter en acquerrāt les richesses es
quelles tāt vous fiez que voulez mouuoir guerre ie vous conseille q
ne cōmēcies guerre en la fiāce dicelles / car vng philosophe dit lōme
riche naura ia souffissance car de tāt quil est pl⁹ riche de tāt lui fault faire plus